

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2020/35, 03.03.2020թ.

Բողոք բերող անձ՝ «Ճանշին» ՓԲԸ

Պատվիրատու՝ Հայաստանի տարածքային զարգացման հիմնադրամ

Գնման ընթացակարգի ծածկագիրը՝ «ՀԾ-ՀԲՄ-ԱՇՁԲ-2020/1» հրատապ բաց մրցույթ

Գնման առարկան՝ «ՀՀ Շիրակի մարզ Արթիկի համայնքի Շինարարների փողոցի հիմնանորոգման» աշխատանքների ձեռքբերում

Բողոքի պահանջը՝

1. Պարտավորեցնել ՀԾ-ՀԲՄ-ԱՇՁԲ-2020/1 ծածկագրով ընթացակարգի գնահատող հանձնաժողովին մասնակի՝ «Վահագն և Սամվել» ՍՊԸ-ի հայտը բավարար գնահատելու մասով, դադարեցնել 26.02.2020թ-ի N 4արձանագրության 2-րդ կետի 3-րդ ենթակետը և ընդունել «Վահագն և Սամվել» ՍՊԸ-ի հայտն անբավարար գնահատելու և մերժելու մասին որոշում:
2. Պարտավորեցնել ՀԾ-ՀԲՄ-ԱՇՁԲ-2020/1 ծածկագրով ընթացակարգի գնահատող հանձնաժողովին մասնակի «Ճանշին» ՓԲԸ-ի հայտն անբավարար գնահատելու

և մերժելու մասով, դադարեցնել 26.02.2020թ-ի N 4 արձանագրության 2-րդ կետի 4-րդ ենթակետը և ընդունել «ճանշին» ՓԲԸ-ի հայտը բավարար գնահատելու մասին որոշում:

3. Պարտավորեցնել ՀԾ-ՀԲՄ-ԱՇՁԲ-2020/1 ծածկագրով հանձնաժողովին մասնակի՝ «Վահագն և Սամվել» ՍՊԸ-ին ընտրված մասնակից ճանաչելու մասով, դադարեցնել 26.02.2020թ-ի N 4 արձանագրության 4-րդ կետի 1-ին ենթակետը և ընդունել «ճանշին» ՓԲԸ-ին ընտրված մասնակից ճանաչելու մասին որոշում:

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ

ՔԱՐՏՈՒՂԱՐ՝ Ռ.ՄԿՐՏՉՅԱՆ

Նիստերին կարելի է առցանց հետևել <https://www.e-gov.am/gnumner/> **հղումով.**

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,
- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

ԳՆՈՒՄՆԵՐԻ ՀԵՏ ԿԱՊԿԱԾ ԲՈՂՈՔՆԵՐ
ՔՆՆՈՂ ԱՆՁԻՆ

ԲՈՂՈՔ ԲԵՐՈՂ

«ՃԱՆՇԻՆ» ՓԲԸ
(հասցե՝ Շիրակի մարզ, գյուղ Փանիկ, ՀԿՀՀ
06101303)

ՆԵՐԿԱՅԱՑՈՒՑԻՉ

ԳՐՈ ԳՐԻԳՈՐԻ ԳՐԻԳՈՐՅԱՆ
(ծանուցման հասցե՝ ք. Երևան,
Արշակունյաց 2, 430, նույնականացման
քարտ՝ 009115015, տրված՝ 18.12.2017թ.
013-ի կողմից, փաստաբանական
գործունեության արտոնագիր՝ 1898 հեռ:
077 10-50-66, էլ. փոստ՝
grigoryangor@mail.ru)

ՊԱՏՎԻՐԱՏՈՒ

«ՀԱՅԱՍՏԱՆԻ ՏԱՐԱԾՔԱՅԻՆ
ԶԱՐԳԱՑՄԱՆ ՀԻՄՆԱԴՐԱՄ»
(հասցե՝ ք. Երևան, Ուլնեցու փող. 31)

ԲՈՂՈՔ

1. ԳՐՈՐԻ ՆԱՆԱՊԱՏԱՌԹՅՈՒՆԸ ԵՎ ՓԱՍՏԵՐԸ:

Բողոքաբերն ի թիվս այլ մասնակիցների մասնակցության հայտ է ներկայացրել պատվիրատուի կողմից հայտարարված ՀԾ-ՀՐԱ-ԱՇՁԲ-2020/1 ծածկագրով բաց մրցույթին:

Բողոքաբերը հրավերով սահմանված ժամկետում հայտի ապահովումը բանկային երաշխիքի ձևով ուղեկցող գրությամբ ներկայացրել է գնահատող հանձնաժողովին:

Գնահատող հանձնաժողովի 26.02.2020թ-ի N 4 արձանագրության 4-րդ կետով բողոքաբերի ներկայացրած հայտը գնահատվել է անբավարար և մերժվել է:

Նույն արձանագրության 4-րդ կետով ընտրված մասնակից է ճանաչվել «Կահագն և Սամվել» ՍՊԸ-ն և 5-րդ կետով հաստատվել է պայմանագիր կնքելու մասին որոշման հայտարարության տեքստը:

26.02.2020թ-ի պայմանագիր կնքելու մասին հայտարարության համաձայն՝ բողոքաբերի կողմից հրավերով սահմանված ժամկետում չի ներկայացվել բանկային երաշխիքի բնօրինակը:

2. ԲՈՂՈՔԻ ԻՐԱԿԱԿԱՆ ՀԻՍՔԵՐԸ ԵՎ ՀԻՄՆԱՎՈՐՈՒՄՆԵՐԸ:

Գտնում եմ, որ գնահատող հանձնաժողովի 26.02.2020թ-ի N4 արձանագրությունը, ինչպես նաև 26.02.2020թ-ի պայմանագիր կնքելու մասին հայտարարությունը կազմված է ՀՀ գործող օրենսդրության և ՀՀ կառավարության 2017 թվականի մայիսի 4-ի N 526-Ն որոշմամբ

հաստատված «Գնումների գործընթացի կազմակերպման» կարգի (այսուհետ՝ Կարգ) պահանջների խախտմամբ:

«Գնումների մասին» ՀՀ օրենքի 34-րդ հոդվածի 1-ին մասի համաձայն՝ հայտերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են:

Բողոքաբերի կողմից հրավերով սահմանված ժամկետում հայտի ապահովումը բանկային երաշխիքի ձևով ուղեկցող գրությամբ ներկայացվել է գնահատող հանձնաժողովին:

Հետևաբար այն հանգամանքը, որ բողոքաբերի կողմից սահմանված ժամկետում չի ներկայացվել բանկային երաշխիքի բնօրինակը չի համապատասխանում իրականությանը և դա գնահատող հանձնաժողովի ոչ իրավաչափ, սուբյեկտիվ և կանխակալ գործողությունների արդյունք է:

Նշեմ, որ գնահատող հանձնաժողովի սուբյեկտիվ և կանխակալ գործողությունները սրանով չեն ավարտվում, դրանք բացահայտ կերպով արտացոլված են նաև ընտրված մասնակից ճանաչված «Վահագն և Սամվել» ՍՊԸ-ի հայտը գնահատելիս:

Այստեղ գնահատող հանձնաժողովն անտեսել է մասնակցի կողմից Կարգի 32-րդ կետի 3-րդ ենթակետի «ա» պարբերության պահանջների խախտումը, համաձայն որի՝ հրավերով նախատեսվում է նաև, որ շինարարական ծրագրերի գնման դեպքում մասնակիցը ներկայացնում է նաև իր կողմից հաստատված՝ լրացված ծավալաթերթ-նախահաշիվ, հաշվի առնելով հրավերին կցված ծավալաթերթով ըստ աշխատանքների նախահաշվային բաժինների համար սահմանված առավելագույն կշիռները: Ընդ որում կշիռները կիրառվում են մասնակցի առաջարկած ընդհանուր գնային առաջարկի նկատմամբ, նկատի ունենալով, որ շեղումը չի կարող ավել կամ պակաս լինել հրավերին կցված ծավալաթերթով տվյալ բաժնի համար սահմանված կշռի չափի տասը տոկոսից: Աշխատանքների բաժինները չեն կարող արհեստականորեն միավորվել կամ առանձնացվել:

Նմանատիպ պահանջ նախատեսված է նաև Հրավերի 4.2 կետի 4-րդ ենթակետում:

«Վահագն և Սամվել» ՍՊԸ-ի գնային առաջարկի ուսումնասիրությունից հստակ երևում է, որ վերջինս գնային առաջարկը ներկայացրել է թույլատրելի միջակայքից շեղումով, ինչը գնահատող հանձնաժողովի կողմից դիտավորյալ անուշադրության է մատնվել:

Բողոք քննող անձի համար վերը նշված խախտման փաստն առավել ակնառու դարձնելու համար այն ներկայացնում եմ ստորև բերված աղյուսակում.

Հրավերին կցված ծավալաթերթով ըստ աշխատանքների նախահաշվային բաժինները	Հրավերին կցված ծավալաթերթով յուրաքանչյուր բաժնի համար սահմանված կշռի չափը ՀՀ դրամ	«Վահագն և Սամվել» ՍՊԸ –ի կողմից ներկայացված ծավալաթերթ-նախահաշվ գները ըստ աշխատանքների նախահաշվային բաժինների ՀՀ դրամ	Շեղումը
<i>Քանդման աշխատանքներ</i>	3 520 605	2 985 628	-15.2%
<i>Վերականգնման աշխատանքներ L=420մ</i>	49 372 174	44 336 900	-10.2%
<i>Վերականգնման աշխատանքներ L=190մ</i>	18 065 296	15 913 942	-11.9%

ՀՀ Սահմանադրության 59-րդ հոդվածի 1-ին կետի համաձայն՝ յուրաքանչյուր ոք ունի տնտեսական, ներառյալ ձեռնարկատիրական գործունեությամբ զբաղվելու իրավունք: Այս իրավունքի իրականացման պայմանները և կարգը սահմանվում են օրենքով:

ՀՀ քաղաքացիական օրենսգրքի 2-րդ հոդվածի համաձայն՝ ձեռնարկատիրական է համարվում անձի ինքնուրույն, իր ռիսկով իրականացվող գործունեությունը, որի հիմնական նպատակը զույթ օգտագործելուց, ապրանքների վաճառելուց, աշխատանքներ կատարելուց կամ ծառայություններ մատուցելուց շահույթ ստանալն է:

Տվյալ պարագայում Բողոքաբերը շահույթ ստանալու ակնկալիքով մասնակցության հայտ է ներկայացրել, սակայն գնահատող հանձնաժողովի ոչ իրավաչափ և կանխակալ գործողությունների արդյունքում զրկվել է այն նյութական բավարարման հասնելու օրինական հնարավորությունից, ինչի ակնկալիքով վերջինս մասնկացել է Պատվիրատուի կողմից հայտարարված ընթացակարգին:

3. ԲՈԴՈՔԱԲԵՐԻ ՊԱՆՍՁ:

Հաշվի առնելով վերոգրյալը և ղեկավարվելով Օրենքի 46-րդ և 50-րդ հոդվածների դրույթներով գնումների հետ կապված բողոքներ քննող անձին

խնդրում եմ

բողոքը բավարարել, այն է՝

- պարտավորեցնել ՀԾ-ՀԲՄ-ԱՇՁԲ-2020/1 ծածկագրով ընթացակարգի գնահատող հանձնաժողովին մասնակի՝ «Վահագն և Սամվել» ՍՊԸ-ի հայտը բավարար գնահատելու մասով, դադարեցնել 26.02.2020թ-ի N 4արձանագրության 2-րդ կետի 3-րդ ենթակետը և ընդունել «Վահագն և Սամվել» ՍՊԸ-ի հայտն անբավարար գնահատելու և մերժելու մասին որոշում:
- պարտավորեցնել ՀԾ-ՀԲՄ-ԱՇՁԲ-2020/1 ծածկագրով ընթացակարգի գնահատող հանձնաժողովին մասնակի՝ «Ճանշին» ՓԲԸ-ի հայտն անբավարար գնահատելու

և մերժելու մասով, դադարեցնել 26.02.2020թ-ի N 4 արձանագրության 2-րդ կետի 4-րդ ենթակետը և ընդունել «Ճանշին» ՓԲԸ-ի հայտը բավարար գնահատելու մասին որոշում:

3. պարտավորեցնել ՀԾ-ՀԲՄ-ԱՇՁԲ-2020/1 ծածկագրով հանձնաժողովին մասնակի՝ «Վահագն և Սամվել» ՍՊԸ-ին ընտրված մասնակից ճանաչելու մասով, դադարեցնել 26.02.2020թ-ի N 4 արձանագրության 4-րդ կետի 1-ին ենթակետը և ընդունել «Ճանշին» ՓԲԸ-ին ընտրված մասնակից ճանաչելու մասին որոշում:

ԾԱՆՈԹՈՒԹՅՈՒՆ: Բողոքը բավարարվելու դեպքում խնդրում եմ Բողոքաբերի կողմից նախապես վճարված 30000 ՀՀ դրամ բողոքարկման վճարը հետ փոխանցել «ԱԿԲԱ ԿՐԵՂԻՏ ԱԳՐԻԿՈՒ ԲԱՆԿ» ՓԲԸ-ի թիվ 220573320805000 հաշվեհամարին:

1. Բողոքարկման վճարի անդորրագիրը.
2. Գնահատող հանձնաժողովի 26.02.2020թ-ի թիվ 4 արձանագրության պատճենը.
3. Լիազորագիր.
4. Թիվ 1898 արտոնագրի պատճենը.
5. Նույնականացման քարտի պատճենը.
6. Իրավաբանական անձանց պետական միասնական գրանցամատյանից քաղվածքի պատճենը
7. Տնօրենի անձնագրի պատճենը

ԲՈՂՈՔ ԲԵՐՈՂԻ ՆԵՐԿԱՅԱՑՈՒՑԻՉ
ԳՈՐ ԳՐԻԳՈՐՅԱՆ



02.03.2020թ.